

稿本叢書

北京大學圖書館
古籍特藏部編輯
天津古籍出版社

陳秉才
張玉範 編

北京大學圖書館藏

稿本叢書

(7)

天津古籍出版社



後魏御史中尉范陽酈道元字善長撰水經注四十卷
蕭寶夤之亂道元叱賊而死贈吏部尚書冀州刺史安
定縣男善長雖依經附注不言水經撰自何人唐書藝
文志始以爲桑欽撰欽在班固前固嘗引其說與水經
違異晉以來注水經凡二家郭璞注三卷唐時猶存杜
君卿言二家皆不詳所撰者名氏亦不知何代之書則
景純已不能言其作者矣崇文總目水經注亡者五卷
今所傳卽宋之殘本後人又加割裂以傳合四十卷之
數如注文江水又東逕巫縣故城南注訛列爲經遂與
前經文又東過巫縣南割分異卷唐六典注云水經所

引天下之水百三十七今自河水至斤員水凡百二十
三應脫逸十有四水蓋在五卷中者也王伯厚通鑑地
理通釋引水經四事惟魏興安陽一事屬經文餘三事
咸酈注之訛爲經者故其作書時世益莫能定水經立
文首云某水所出已下無庸重舉水名而注內詳及所
納羣川加以採摭故實彼此相雜則一水之名不得不
更端重舉經文敘次所過郡縣如云又東過某縣之類
一語寔賅一縣而注則沿溯縣西以終於東詳記所逕
委曲經據當時縣治至善長作注時縣邑流移是以多
稱故城經無言故城者也凡經例云過注例云逕以是

推之雖經注相淆而尋求端緒可俾歸條貫善長於經
文涪水至小廣魏解之曰小廣魏卽廣漢縣也於鍾水
過魏寧縣解之曰魏寧故陽安也晉太康元年改曰晉
寧然則水經上不逮漢下不及晉初寔魏人纂敘無疑
史言善長好學廣覽奇書故是注之傳或以其綜覈或
尚其文辭至於觸類引伸因川源之派別知山勢之透
迤高高下下不失地勢取資信非一端然訛舛既久雖
善讀古書如閻百詩顧景范胡朏明諸子其論述所涉
猶輒差違斯訂正之不可以已也審其義例按之地望
兼以各本參差是書所由致謬之故昭然可舉而正之

至若四十卷之爲三十五合其所分無復據證今以某水各自爲篇北方之水莫大於河而河已北河已南衆川因之得其敘矣南方之水莫大於江而江已北江已南衆川因之得其敘矣難以地相連比篇次不必一還其舊庶乎川渠纏絡有條而不紊焉休寧戴震

河水一

河水二河水

河水三

渠

陰溝水

坂水

獲水

睢水

瓠子河

瓠子河

汾水

晉水

文水

原公水

同過水

澮水

涑水

湛水

沁水

清水

清水

渭水

靚水

濯水

潁水

灑水

澀水

洧水

潯水

決水

泚水

泄水

肥水

施水

江水

夷水

夏水

湏水

潒水

以上大江及諸水
江之水

漾水

潛水

羌水

涪水

梓潼水

南沮水

漳水

沔水

涪水

均水

丹水

粉水

涌水

湍水

比水

白水

蕲水

以上目及諸水入江

沫水

青衣水

若水

淹水

油水

澧水

沅水	延江水	資水	湘水
鍾水	淡水	耒水	洙水
澧水	漣水	瀏水	澗水
廬江水	贛水	以三首入江	漸江水
葉榆河	溫水	存水	浪水
灘水	洧水	溱水	斤員水
禹貢山水澤地序			

水經釋地卷一

水經釋地卷一

微波榭遺書之。

曲阜。孔繼涵。誦孟。〇〇〇〇。

乾隆癸巳秋輯

水經釋地卷一

誦孟隱

河水

崑崙墟在西北去高高五萬里地之中也其高萬一千里河水出其東北陬

戴氏水地記曰河源以南唐吐蕃今西藏之境古崑崙國在焉積石以東北今青海之境古折支在焉而漢通大宛西域踰蔥嶺而西古渠搜在焉三地大小諸國通稱西戎繫於雍州

屈從其東南流入於渤海又出海外南至積石山下有

石門

鄴注云余考羣書咸言河出崑崙重潛發淪於蒲昌
出於海水逕積石而為中國河而經文在此似為不
比積石宜在蒲昌海下矣戴氏東原曰道元以蔥嶺
于闐之河入蒲昌海潛行地中復出為積石河蔥嶺
在今回部葉爾羌西于闐即和闐在葉爾羌東南蒲
昌海即羅布淖爾在闐展西南積石山在青海境積
石之西五六百里即星宿海今呼鄂敦塔拉朱思本
所謂水從地湧出如井其井百餘者也道元言河之

所潛出于積石宜即指星宿水地記曰禹貢之積石
值西寧邊外西南五百餘里漢志金城郡河關積石
山在西南羌中是也河關故縣在今西寧府西南邊
外番語謂祖阿木尼謂色班馭瑪勒占謂冰木遜故
呼積石山曰阿木尼瑪勒占木遜其山有九峰鯨亘
三百餘里河行山南繞東麓轉西即渠寅河源記可
言河繞山之三面如玦然其西南山值河之東曰哈
爾吉東有山二峯高峻曰阿木尼馭懇古爾板凡曰
阿木
尼者音番人河而轉之左曰烏藍基奈有嶺北枕河
河望祭大山

三ノ木

日哈爾吉盛夏積雪多瘴氣元史地理志都實言甘

思東北有大雲山名亦耳麻不莫刺其山最高譯言

騰乞里塔

卷註謂天騰乞里日塔者言平坦處

即晃哈也山腹至頂皆

雪冬夏不消元史云崑崙者誤水經注唐述山隋唐

間始有小積石之目魏王泰括地志云大積石山在

吐谷渾界小積石山在枹罕縣西北

縣今河州元和郡縣

圖志鄯州龍支縣

在今西寧府碾伯縣南

積石山在縣西九十

八里河州枹罕縣積石山在縣西北七十里又云四

瀆之河中源最高從高注下其流峻急禹貢導河積石

至于龍門又曰導洛自熊耳按洛水出上洛西山經
熊耳之北所言導者皆謂紀所施功不必自其源也
則吉甫直以小積石當禹貢之積石而為之說此山
在鄯道元注水經時尚不名小積石而太子賢注後
漢書杜佑作通典乃與李吉甫同誤後儒以之解經
至元人遂誤以大積石為崑崙矣戴氏東原又曰案
此下原本及近刻有河水冒以西南流七字考山海
經云積石之山下有石門河水冒以西流即今河行
積石山南遠其東折而西流逕山北然後轉東北流

形勢適合石門當在折西之處不得云西南流也作
水經者誤以為河自石門潛行地中而入蔥嶺然後
後出故不取冒以西流之語下言入蔥嶺則上不得
言其流當是後人見山海經河水冒以西流句與下
有石門相連遂掇其語于此又因下文言南入蔥嶺
更臆改西流為西南流耳杜佑通典兩引水經南至
積石山下有石門即接以又南入蔥嶺山又從蔥嶺
出而東北流絕不及河冒^水以西南流七字其為唐時
本所無甚明今據通典訂正刪去七字

又南入蔥嶺山又從蔥嶺出而東北流

戴氏案原脫此九字杜佑通典引水經有此文蓋唐已後始脫去今補正

其一流出于闐國南山北流與蔥嶺所出河合

戴氏近脫所出二字據通典補

又東注蒲昌海

戴氏案近脫又字據通典補

又東入塞過敦煌酒泉張掖郡南

漢武帝元鼎六年分酒泉郡立敦煌郡隸涼州晉元